





~~C 8288~~

Vld 5360

Biblioteka Jagiellońska



stdr0007433



- 1
- 2, *Epitaphia Cphi. Merzini* a *Kurozwski*.
- 3, *Dreover*, *Chroph. Radziwil*.
- 4, *Bursius*, *Oratio funebris*.
- 5, *Tarobellus*, *Feralis pompa in funere A. Corvini*.
- 6, *Kornek*, *Andr. Lipe Lipoxi*.
- 7, *Tarobellus*, *idem g. no. 5*.
- 8, *Ch. de Chaluz Chalucky*.
- 9, *Comenius*, *Spirital Gutter Obigkrit*.



# 8  
A D L E C T O R E M  
AD ILLVSTREM, AC

MAGNIFICVM DOMINVM, D. PE-

TRVM DE VVIESIOLOVV VVIESIOLOVVSKY,

Marschalcum Curia S<sup>r</sup>. R<sup>r</sup>. M<sup>is</sup>, M<sup>i</sup>. D<sup>o</sup>. L<sup>r</sup>.

&c. &c. Dominum singulari obsequi-  
uantia colendum.

*Carmen dedicatorium.*



E vocat ad famæ studium tua gratia suavis,  
Sollicitatque meum pectus honoris amor.

Ad te prima volant nostræ molimina Peithus:

Non erit in magnis vel voluisse pudor.

Deterere ingenij vires, & frangere nixus,


Materia grauitas, laus potuitque Ducis:

Nomine tuta tuo mea sed monimenta putavi

Defuncto Heroi quæ monimenta dabunt.

ILL. D. T.

addictissimus.



CHRISTOPHORVS DE CHALECZ CHALECKY.



AD LECTOREM.

**E**ST quod te (lector benenole) in vestibulo ipso amice precor, & admoneam: morigerum te ut praebeas, & equum in recens ac tenerum ingenij mei partum: scio quippe in eadem hac: quam premo, encomij materia plurimorum desudasse, & desudaturam industriam: attamen quemadmodum dura, probeque terse corpora, etsi non ob id manu conrectentur ut tersiora fiant: nihilominus usu venit ut glabriora, atque politiora euadant: ita nomen immortale Zamoscij à plurimis scriptoribus celebratum, gymnicus hic meus labor (quanquam impar tanto oneri) relinquet erudito lectori, unde & exercitium meum non improber, & una mecum iucunda summi in republica nostra Polona viri recordatione fruatur. VALE.

PANEGYRICVS.

ILLVSTRISSIMI, PE-

RENNISQVE MEMORIAE VIRI, D.D.

IOANNIS DE ZAMOSCIE ZAMOSCII,  
Supremi Cancellarij Regni Poloniae, atque exercituum Ducis generalis vitam, resque gestas  
succinctè complectens.

**N**ISI conclusum obseratumque animo tenerem, in aetatum decursu perueniri tandem ad aliquid extremum: ut quæ sui ortus primordia habuere, ex lege & conditione mortalium desinant aliquando, & ex matura tempestiuitate occidant: utique esset quod cum cæteris migrationem è vita inuicti herois I. Zamoscij mœrore, luctu, lachrymisque nunquam non prosequeretur: esset quod patriæ vicem dolerem, quæ magna solationum parte viduata vix manum à pectore abstinet, cuius viuificus ille calor ex tanti viri obitu deferbuit. Sed quoniam non iisdem quibus hominum vita, rerum præclarè gestarum gloria finibus coercetur, plorare iubeo illos, qui superstitem defunctorum memoriam non colunt. Ego verò in cômémoratione virtutum, quibus egregius ille heros immortale sibi decus comparauit mæstitiam omnem deponam, & quibus potero verborum honoribus mortuo parenti patriæ libens ac meritò parentabo. Nequè id à me ita suscipitur, quasi multò splendidiorem, quibus



ea pietas cordi, encomiastarum penuria sit: sed neq; intimos animi sensus potui cohibere, neque iniquum existimaui si in dicendo non ita exercitatus, concinentibus philomelis Musarum, ipse ut cunque lessum facerem: quando in musica dissonas aliquandiu voces ferimus, stridulamque harmoniam ad tempus patimur, quia extrema desitura scimus in concentum: sic perferentur fortasse mea de tanti nominis heroë ieiuna testimonia, quæ ex luculētis aliorū orationibus colorem atque robur consecutura sunt, non solum hac nostra, aut ætate nepotum, sed senescentibus lentè seculis ætas sapientior quaquā patet terrarum immensus orbis memoriam Zamoscij cum laude, & grata recordatione diuulgabit: nimirum ut aromata à quocunque terantur longè latèque odorem emittunt, & spargunt: sic virtutum ac meritorum Zamoscij iucundos simul ac fragrantés flores, cur non iuuenili manu attingam? quorum vel leui tactu, non modò Polonicus noster, sed hic quem nunc haurio Gallicus aër suauis odorum suffitu sit amænandus: neque verò flores inspiciamus tantum, quos marcescentes nulla visura est ætas, sed ad ipsas radices ex quibus tanta, tamque felix vbertas prouenit, memoria cogitationeque perueniamus, ut præteriti respicientes spatium temporis famę ac nominis Zamoscij perennitatem ab ipsis retrò incunabulis contemplemur. Age pueritiæ fibras excutiamus: omnia bonæ spei plenissima fuere, quæque solita concipi à parentibus longo intervallo vota superarent: nempe diuinus puer eam ingenij non vulgaris indolem, illud virtutis eximie speci-

men, illam sanctissimorum oppidò morum significationem edebat, ut quemadmodum Phidiæ signum olim simul & aspiceretur, & probaretur, certaque messis ex tam læta segete haud dubiè expectaretur, quæ ne falleret sapientissimus parens prouidit, qui in ipso incuntis adolescentiæ vere sibi charissimū filiū ijs artibus imbuendū curauit, quæ sibi ad abdita, & arcana vtriusque cū togatę, tū sagatę sapientiæ, pulsīs ignorantie nubeculis, faciles gradus sternerent. Tunc verò id ætatis videre pulcherrimū erat cum laborib⁹ indefessum certamen adolescentis, quanta ille contentione, quanto animi ardore ad altiora studia velut vno spiritu, cursimque properabat, quam plenis ille velis, quantaque viremorū in eruditionis pelago nauigabat, quā inoffensum cursum tenebat: nullæ eum sirtes decurrentem remorabantur: nullum suo discrimine scopulum infamem fecit: nullis in vadis hæsit: sed mira ingenij dexteritate, cū in lubrico adolescentiæ plurima sanè superatu difficilia obijciantur, plurima adolescens superauit. Iamq; eò firmitatis processerat, ut in rerum luce gerendarum suas posset virtutes collocare, quæq; in scrinio diuini pectoris habitabant longè latèq; ad suum, & patrię decus diffundere: sed cū magnos quosque in republica viros ciuilem ex peregrinationibus externarumque gentium commercijs hausisse prudentiam didicisset: quanquā ne eo quidem adminiculo opus habebat, qui mente iam pridem, & historiæ accurata lectione orbem terrarum esset emensus, peregrinationem tamen instituit, ut & ipse oculorum contuitu impressas animo



notiones confirmaret, neq; ad colligendam politicæ prudentiæ famam quidquam ex se desiderari potuisset. Ergo non sine lachrimis (vt fit) dimissus à suis in communem Franciæ larem, bonarumque litterarum parentem Lutetiam recta contendit: inque nobilissima Academia laudabili prorsus æmulatione popularis adolescentis, cuius eruditio exquisitissimis laudibus commendaretur à Francis, mirum in modum succensus, ac inflammatus, tantum in litteris operę nauauit, vt illum ipsum cuius gloriam æmularetur immiti acerbique fato ( quod immodici labores properauere) dolenter extinctum longè superasse videretur. Italiam inde petijt excolendorum, perficiendorumque ingeniorum officinam, vbi velut diurnam sitim explere cupiens, adeò in Philosophiæ & Iuris studia sedulus incubuit: vt rarus Italorum esset quem non hæc cogitatio subiret, ipsam sibi cum Astræa Sophiam in mente Zamoscii domicilium posuisse: qui in familiaris doctissimorum quorumque ascitus consortium honorificentissimè à singulis colebatur: mitto aras ab illo Parauia in florētissima studijs ciuitate leges, quibus frænum injectum lasciuienti exultatque ferocius iuuenturi: mitto vigilantiam incredibilem, qua antelucanas artificum omnium operas præuertebat: mitto mansuetudinem, continentiam, ceterasque virtutes, quas in edito collocatas cum quisque suspiceret, non poterat tantis conspicuum iuuenem ornamentis non admirari vehementer, felicemque Polonorum gentem prædicare, in cuius gremium atque sinum tot, tantarumque virtutum fructus essent redundaturi: nec

verò suam felicitatem prædicatam ab Italis diu nostra gens ignorauit: namque vbi in patriam Zamoscus se recepit, & in Augusti regiã recepit, illicò ora oculosque omnium in se conuertit, atque in ipsis aulici ministerij rudimētis ita se probauit, vt sine inuidia auctoritatem, & sine offensione cuiusquam, gratiã apud cunctos sibi conciliaret: & quemadmodum Rex in illo ornando nihil vnquam prætermisit, quod aut in præmio virtutis esset positum, aut in splendore meritorum: ita Zamoscus tectam conditamque sincero pectore domini sui venerationem ac amorem iugiter circumferret. Sed præstare diu singularem in suum principem obseruantiam non potuit, sublato enim illo è viuis obseruantia desiderium successit, quemq; viuum suis officiis coluerat, creptum ex oculis luctu, & pia recordatione venerari non desinebat: cum nihil Regis sui manibus iucundius esse sciret, quàm regni, cui cum laude præfuisset, tranquillæ florentisque status, totus in eam curam Zamoscus incubuit, vt res suæ gentis constitueret, & ex optimo successore patriæ suæ dignitatem vel tueretur, vel etiam augeret. Nec verò cuiquam obscurus erat eius in rempub. animus tot experimentis comprobatus: itaque omnium consensu Orator in Galliam mittitur, Polonis Regem ex stirpe regia quæsiturus, benè sedit eius humeris tantæ molis negotium, quod ita vir prudentissimus accurauit, vt cum ex suæ probitatis, grauitatisque specimine Francos in amorem admirationemque Polonicæ gentis rapuisset, non modò quod legationis caput erat Regis germano Henrico Valeſio ( in quo



Fràcia omnis fiducię plurimum collocabat) vt sceptrũ Polonicum accepturus suos penates defereret persuasit, sed etiam ita tenaci societate Francorum ac Polonorum animos conglutinauit, vt tam longis terrarum gentiumque spatijs interjectis, in vnum adhuc consensum animorum vtraque gens conspiret. Dimissus à Carolo Rege, perquam amanter ac beneuolè Hērico in Poloniam, eunti longinqui itineris tædium sermonum de repub. grauissimorum suauitate leuauit. Atque vbi Rex inaugurat<sup>9</sup> reipub. habenas cepit moderari, Zamoscij opera vsus fuerat perquam vtiliter: & quidem eius consilijs obtemperante lætissima noui principatus initia fuere, eademque lætitia progressus continenter omnes comitatura videbatur: sed ò arcana consilia principum: vbi renunciata Henrico Regis fratris mors fuit: ad patrium quod sibi iure successionis debebatur, raptim, ac properè regnum remeauit: & fuit tam subitus, tam inopinatus, tam cæcus discessus mærori proculdubio illis populis, qui ex sui Regis aduentu adhuc gestiebant: illis enim iucundissimum tempus non tam amænitate florum, non viriditate segetum, non tam ipsis Fauonijs, & luce serena letum, atque ridens: quam exoptato noui Regis aduentu illustre, ac festiuum illuxerat, vtque adulto iam vereiuuenescere natura ipsa videbatur: sic omnia Henrici conspectu recreata, ac propè reformata videbantur: Sed vt fluuij quidam alicubi erumpunt, qui mox in terram reconditi feruntur ignotis alueis ad suum mare: ita cum princeps ille in nostratum oculos prodijisset, eosque felici spectaculo mirificè affect-

cisset

cisset; nescio quomodo ad auitum regnum subito relapsus est, vtque apud fugiens desiderij aculeum in Polonorum pectoribus reliquit. Iacebat principe suo destituta Polonia, donec post iactatā diu cōmunis salutis cimbā, ex alto propitium despectans numen ad reipub. nutantis confirmationem Stephano Bathoreo regni gubernacula concessit, vt sapienti moderamine fluctuantem nauim in tranquillitatis portum optimis (quibus ille erat præditus) artibus perduceret, fuit enim ille princeps magnus, à virtutum, rerumque gestarum magnitudine, acrique ingenio, & in deligendis amicorum primarijs iudicio singulari: quid non sperandum Zamoscio tali principe fuit? Ecce intima illum beneuolentia Rex Stephanus complecti, in sinu gestare, in oculis, nihil absque illius cōsilio gerere, omnia fidei committere, fortitudini credere: nec vnquam fides, nec vnquā fortitudo fefellit: indictum est tyrāno Moscorum Basilidi iustum bellum, quo industriæ tuæ Zamosci commissa non fortiter magis, quam celeriter confecisti: Regijs auspicijs ducebas exercitus, manum cum hoste conferebas, victum castris exuebas, munitissima oppida expugnabas, pugnacissimæ genti terrorem inferebas, satis est, si dixerō, vincebas, triumphabas. Atque vbi lauream in tui Regis sinum deposuisti, animum illicò ad legum constitutionem, siue reformationem potius conuertisti: bellicis, & paccatis rebus gerendis pari semper industria: vtque foris hosti formidolosus, ita domi erga ciues moderatus: nimirum vir ille immortalitate dignus confusam & indistinctam pu-

B



blici iuris rationem in certas classes scite distinxit, quæque immensa ac propè infinita erant, rotunda breuitate conclusit, & detractis quæ superflue videbantur reliqua propemodum auctiora fecit. Atque tantorum profectò meritorum debita mercede carere hominem tam sibi & regno necessarium Regia maiestas non sustinuit, ast inter selectos eximium splendidæ affinitatis vinculo sibi coniunxit. O prælagam futuri mentem, ô diuinum tuum Stephane iudicium, qui hunc tibi virum non solum in necessitatibus reipub. cōplicem esse voluisti: verum etiam in affinium collegium cooptasti, quando Zamoscium tuum ipso illo pignore, quod & pietas tua habuit charissimum, & quod fortuna præcipuum, benignè distasti: quæ tibi ex illius fide, atque obsequio commodè cessura erant sapienter præuidisti: maioremque ex illa affinitate sementem fecisses, si te viuere diutius fata voluissent: sed quoniam in hoc tam procelloso mari, & ad omnes tempestates exposito nauigantibus nullus est portus nisi mortis, exacto præfixi temporis spatio, emensoque vitæ brevis curriculo, immortalis gloriæ princeps publico damno extinctus est. O acerbum patriæ fatum, ô luctum bonorum omnium, ô perturbationem rerum publicarum, nisi Zamoscius habenas regni laxiores, & principum mutationibus propè dissolutas, donec Rex alius crearetur, suscepisset: quanta tunc opus fuit prudentia? quanta auctoritate? ut quæ collapsa fuerant erigerentur, nutantia confirmarentur, exanimata recrearentur, quando primi in reipub. viri, ceterique splendide nobilitatis or-

dines in varias sententias distrahebantur, atque diuellebantur, quando diuersi sensus, & discrepans in electione iudicium, ipsorum denique ducum vtriusque partis dissoni monitus, habitusque dissimiles. Nonnulli quippe per agros, perque vicos oberrantes aliū, atque alium regem proclamabant, quosque obuios habebant, eosdem proclamare cogeant: sileo cætera (quæ indignatio vetat loqui) crebras nostrorum hominum corruptelas, sileo distributa inter factiosos reipub. munia: sileo agrorum vicinorum diurnas nocturnasque depopulationes: sileo (quod in toto illo bellogenere audacissimum extitit) clandestinas armatorum in suburbana præsidia impressiones, quas irrita oppugnatio nobilissimæ ciuitatis est subsecuta. Ast optimique sanioris consilij authorem, selectissimarumque copiarum ducem Zamoscium sequebatur, qui cum factiosos primum repressisset, ac retrò cedere compulisset: tandem consistere ausos tanta vi agressus est, ut in ipso conflictu eò maiorem inimicorum stragem ediderit, quo amplioribus subsidijs instructi constiterant: ita ad Byczynam vsque fusi, cæsi que inimicorum equites, patentes etiam fugientibus ad salutem, securitatemque castelli illius portas, corporum suorum mole clauferunt: dumque laudibus ab ijs qui rectè de reipub. sentiebant certatim Zamoscius efferebatur: ipse nequis astu euadere, nequis (ut fit) collectis viribus instaurare prælium potuisset, vigili cura providebat, quando hostem à frontè, & à tergo strenuo milite cinxit: & ad pacis æquissimas condiciones deductum, affe-



Etato dominio abdicare coëgit. Quæ cum gererentur Sereniss. Sigismundum felicitas Zamoscij alia ex parte iuuabat: nondum tempestiuo mari, affuere tamen nauigantib. felices aure, & fluctus secundi, futuroque Regi non ipsa victoria tantum, sed & maria tempestatesque obsecundabant: appulit in Poloniam Sigismundus: quem ut Polonia vidit, statim mutare faciem visa est, fuitque orbis reipub. ad illius aduentum mirè conuersus: sed ut conuerteretur Zamoscius effecerat, à quo sustentata negotiorum moles facilem Sigismundo imponendę coronidis gloriam concinnaret: concussa res nostra fuerat, ac penè dixerim contremuerat, non aliter quàm solet terra ventis, aut aquis subter immissis inrerumlsa sui soliditate nutare: statim igitur ut sceptrum quod totius gentis nemine Zamoscius obtulit accepit Sigismundus, confirmata & corroborata fuit, ac seruata toties Zamoscij fortitudine ac prudentia Polonia, seruatori secundum diuinum numen suo gratias agebat, & lata omnia in eo principatu, qui tanti viri consilijs regeretur, sperabat expectabatque: et euentus quidem spei expectationique probè respondit. Quis enim tanta in commune bonū contulit? quanta heros Zamoscius. Num quispiam alius Zamosci Valachiam ( ambitiosi Transilvani vicario interfecto ) adjecit regno præter te? Num quispiam pieratem in patriam, luculentius demonstrauit? quod eam à barbaricā feritate intaminatam conseruasti: illo præsertim, illo ipso tempore, quo duo dato fidei symbolo, immanes, & numerosi populi Tartari, & Turcæ conjunctis viri-

bus in fines Poloniæ, velut incēdia in proximas domorum contignationes deuoluebantur, indè facilius in Hungariam penetraturi: hoc verò quanti erat discriminis nemo poterat cogitare, nemo conijcere melius, nisi tu ipse strenue dux Zamosci, qui patriæ vniuersæ salutem, qua nihil prius, nihil antiquius habuisti, ad vltimum vitę spiritum tuebare: mox ergo exorato numine ad eas te artes contulisti, in quibus plurimum confidebas: hic ego multa consulto prætereo, dum cupidus ad singularem illam victoriā, qua vniuersæ reipub. salus vindicata, festino: stupenda quippe res est subsecuta, quando post detruncatum ducem Tartarorum principem admirabilis illa, & nunquam antehac visa conglobatarum acierum, & trepidantium fato suo cohortium confusio spectaculo nostris sese exhibuit: ô triumphum dignum tali bello, qui omnium oculis subijci meritò deberet: cuius enim potentia solertiaque fuit hostes terrore & formidine complere, ordines conturbare, eiusdem deditos ad imperia, voluntatemque suam suis armis alligare, atque etiam vincere ut barbaros ferri illius quod contra Polonos acuerant, diutissimè peniteret. Itane omnium omnis generis armorum ministeria ad diuersos effectus arbitrio tuo magne Zamosci seruiere? tibi vincebant gladij, tibi seruabant, te pugnante feriebant, te ignoscente tuebantur: Perfecisti pulsos à limitibus regni monstros, ut post timorem regnaret apud tuos securitas, post periculorum æstus omnes velut in vmbraculum sub dextere tuæ præsidium confugerent, confecisti quippe inuictæ heros



bellum illud, quod cunctis provinciis impendere videbatur, tamque late vagari, & flagrare poterat, quam late Polonia nostra, & Hungaria patet: neque enim si metu tui lues illa inimicorum solis limitibus intabuisse: idcirco nescimus quanto se alias furore iactasset, si fiduciam peruagandi qua patebat habuisset. Num quisquam Moldauiae principi terribilior? quando te fortuna triumphis oneratum domum subsecuta reduxit, impurum verò, & ambitiosum hostem pudor & penitentia in desperationem adegit. Iam cunctis è quacumque caeli plaga emergentibus inimicis alacritatis tuae terrore coercitis, deerat materia vincendi: nisi nouus hostis Sudermanus fuisset exortus, perque vim, ac iniuriam in Liuoniam irrupisset. & ex eo calamitatem in res nostras importasset: fueratque ea regio vastata prorsus, nisi tuae dexteritatis festinum auxilium adfuisset, & hostis ferociam manus armata fregisset: non te affecto corpore perpes labor subeundus, ab illa expeditione: non cruda adhuc hyems, non iter gelu intractabile, imensum spatium, niuibus infestum, retardauit: nondum pectore tuo ardor martius efferbuerat, quem secuti fortissimi quique militum, dignos se tuo ductu imperioque testati, sic viritum laborauerunt, quasi summa res singulorum manuteneretur: sic porro peruectus es in Liuoniam, ut quia te non comitata, sed praestolata potius victoria videretur: nemo dubitaret portum tibi victoriae sponte paruisse: quando hostis adfectati dominij supplicia pendit, atque ita cecidit, ut fractae semel potentiae suae vires, egrè instaurare potuerit. Illud verò cuius mi-

raculi est? neminem direptorum miserè bonorum aduentu tuo sensisse dispendium: quando à te singulis reddita priuatum patrimonium, quos illa monstrosa labes, & peregrina diritas extorres domo fecerat: quando arcium munitissimarum complures, & propemodum inaccessas, citra ullam moram, tuta salute tuorum, & patrie communi velut proprium recuperasti, & sub veteris domini tutela collocaisti. Talia semper heros magnanime in republica gessisti tanta vi, tantoque successu, ut nunquam virtus tua in adeundis, perficiendisque laboribus intremuerit: nunquam rerum usu longo confirmata prudentia haeserit: nunquam caelitibus concessa felicitas claudicarit. Ceterum quoniam video magnam meae partem orationis in rerum à Zamoscio gestarum preconio fuisse versatam, reliquam in admirandis virtutum exemplis consumpsisse non pigebit: imitari quippe lubet pictores qui longa intentione hebetatos oculos ad specula quaedam, & viros colligunt: sic emenso clarorum illustris viri factorum campo, ad virentiam virtutum prata conuertam. Equidem siue tuam ostrenue Zamosci in Deum pietatem intuemur, siue in patriam affectum, multi in imitationem rapimur, plures ex admiratione stuporem concipimus. Quis enim religionis ardor tam feruens? tam purus numinis cultus? quem non & animo tuo inclusum tota vitae circumferres, & si quando usus esset, externo cultu praeferres? Nulla tibi rerum gerendarum exordia sine caelestis auxilij inuocatione: nulla bellorum initia non eodem illi numini, in quod desinebant,



14  
commissa fuere: nihil inde in vniuerso Poloniae re-  
gno tam obscurum esse potuit, quod non sagacitatis  
tuae radijs illustrares: nihil tam triste, aut durum ob-  
seruabatur, quod tu sapientia singulari non emollesceres,  
aut perfringeres: nihil tam infelix, tam prodigiosum  
quacunque terrarum parte emerferat, quod non ar-  
matus, tum ijs praesidijs, quae de caelo ministrari ti-  
bi experiebantur: tum illis, quae humanae praebent vi-  
res, audireres, ac propulsares. Atque haec quidem om-  
nia, ut non humanarum virium esse censuisti: ita te  
aeterno illi numini cum exhibuisti, quem illud omni  
gratia, ac felicitate toto vitae decursu cumlaret. Num  
illa quoque pietatis monumenta sera posteritas con-  
ticefceret? & si minus non eadem qua nos, certe ma-  
iore celebritate tantum virum esse prosecutura? quan-  
do plurima ab eo fundata templa, plurima exercendae  
pietatis, ac religionis loca offenderet? quae si loqui po-  
tuissem, quid aliud de te aptius, aut magnificentius  
effarentur? quam: fuisse virum, cui numinis cultus  
in animo penitus insedit: cuius cogitatio non prius  
ad salutem, communeque bonum conuerteretur,  
quam pietatis pensum exoluisset: cui & curae conden-  
darum arcium, ciuitatum, aut quarumvis tutandae  
publicae salutis causa aggestarum molium, & earum  
aedium quae diuina laude perenniter personarent. O  
virum cui patria communis ob amplissima, & nun-  
quam interitura in se merita statuas, columnas, colof-  
fos, caeteraque id genus monumenta erigat. O virum  
cuius res gestae non tantum patricij, plebeiue admi-  
rati sunt: verum etiam ipsi reges comprobarunt: co-  
praesertim

15  
praesertim tempore, quo arduum de te recte ac si nco-  
re consulendi, acriterque pro salute communi, ac  
reipublicae conseruatione decertandi exemplum reli-  
quisti: cui non magis de populo, quam de principu nu-  
mero possit conformari. An aliud a te, quam senatus re-  
uerentiam, consilia in longum porrecta exoptatum  
finem, bella vero casus miros minitancia triumphum,  
obtinere? Num etiam ea postrema laus est, culturae  
ingeniorum polonicorum tantoperè fuisse studio-  
sum, ut nihil praetermiseris, quod ad litterarum exer-  
titia pertineret: quando sapientiae doctores in urbem  
tuam clarissimam, praemiorum splendore inuitasti:  
quando ut Academia ad vberem ingeniorum prouen-  
tum erigeretur, curasti: noueras quippe in eruditio-  
ne magnum momentum ad rerumpub. felicitatem  
esse: noueras in eruditione prudentem inuenire unde  
sapientior fiat: bellatorem reperire, unde animi vir-  
tute roboretur: principem accipere, quemadmodum  
populos sub aequalitate componat. Quid dicam? quod  
ad animi ornamenta, corporis quoque accedebant,  
ut non solum splendorem regni Polonici Zamoscius  
fortitudine, ac sapientia, reliquisque virtutibus: sed  
decore etiam corporis sui, & dignitate potuerit or-  
nare: cuius vel ipsa forma venerabilis, tam longè la-  
teque conspicua commendabat imperium, ut planè  
in ambiguo fuerit, utrum se Zamoscius suorum men-  
tibus magis, an oculis insinuaret: quid faciles ad eum  
aditus? quid aures patientissimas? quid condita hu-  
manitate responsa? quid vultus ipsos ad grauitatem  
hilaritate permixtam compositos commemorare? quis



exequi pro dignitate possit: iucunda tui memoria o Zamosci facit, quod sermoni de te meo vix possim colophonem imponere: Quomodo te admirari: quomodo tuas laudes predicare desinam? quando res gerere admiratione, & praedicatione dignissimas nunquam desieris: cuius neque otium negotio vacavit: neque fructus, negotium expers fuit: non enim te amena, aut dicata quieti rura, non dispositi ad temporum vices secessus complectebantur: sed siue tu in agris, siue in oppidis tempus traducebas, rem, & famam pariter augebas: iam si caetera percenferi oratione fas esset extrema sermonis in exordia relaberentur: neque tibi exitum mea reperiret oratio. Reliquum est igitur (quod mihi solum est integrum) ut quas ego Zamoscij virtutes atque dotes singulas, pro pietate in ipsum, venerabar: nunc velut in vnum conglomeratas: & tamquam in choro implexas manibus religiosus cultor, ex ipsarum discedens templo salutem: saluere o beati manes immortalis viri illius, cui faelix patria vel ob id ipsum, quod ciue tali diutissime stetisset, nec non florisset: cui domus clara splendoremque a rebus gestis praecipuum fanerata: cui forma egregia plane imperio digna: cui valerudo integra, & vegeta senectus: cui militarium, & urbanorum negotiorum administratio contigisset: Ceterum o inuidete Zamosci quanquam te patriae tuae fata eripuerunt: certe non eripuerunt virtutis tuae opera, quae oculis fere posteritatis non solum credita oratorum lingua: verum etiam artificum quorumque perita manus exhibebit, representabitque: cum te vel inuia, & situ squalentia

loca superantem: vel flumina obiecta tranantem: vel hostiles exercitus triumphali ferro conscindentem, pictorum imitatio assequetur: Sapientia sola tua quo caelo? quo pigmento? quo aere? auroue ducetur? quae dominis, ac Regibus tuis imprimis innotuisti, mox publice acceptus probatusque, custos factus es salutis: porro vniuersam terram celebritate praeagatus es, ita ut virtuti tuae, ipsa fama nullum illustrius futurum sit praemium: quando (ut cum Poeta loquar)

-----Tua sectus orbis.

*Nomina ducet.*

Eritque Oriens, iuxta & Occidens Zamoscio incomparabili heroï duraturum cum seculis, non ex aere, aut marmore modo, sed ex famae celebritate, ac perennitate, laude insigne monumentum.

---

PARISIIS,

Anno Domini clō. lō. cxi.







